



**ЎЗБЕКИСТОН RESPUBLIKASI MOLIYA VAZIRLIGI**  
**ЎЗБЕКИСТОН RESPUBLIKASI XUSUSIYLAŞTIRILGAN**  
**KORXONALARGA KŪMAKLAŞIŞ VA RAQOBATNI RIVOJLANTIRIŞ**  
**DAVLAT KŪMITASINING**  
**QARORI**

**“Давлат улушларини ишончли бошқариш ва акциядорлик жамиятларини бошқаришда иштирок этиш махсус ҳуқуқи (“олтин акция”) бўйича давлат вакилларининг хизмат ҳақи тўловларини амалга ошириш тартиби тўғрисидаги низомни тасдиқлаш ҳақида”ги қарорга ўзгартиришлар ва қўшимча киритиш тўғрисида**

Ўзбекистон Республикасининг Бюджет кодекси, Ўзбекистон Республикаси Президентининг 2017 йил 18 апрелдаги ПФ–5016-сон “Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат кўмитасини ташкил этиш тўғрисида”ги Фармони, Ўзбекистон Республикаси Президентининг 2017 йил 18 апрелдаги ПҚ–2897-сон “Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат кўмитаси фаолиятини ташкил этиш тўғрисида”ги қарорига ҳамда Ўзбекистон Республикаси Вазирлар Маҳкамасининг 2017 йил 23 июндаги 419-сон “Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат кўмитаси тўғрисидаги низомни тасдиқлаш ҳақида”ги қарорига мувофиқ Ўзбекистон Республикаси Молия вазирлиги ва Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат кўмитаси **қарор қилади:**

1. Ўзбекистон Республикаси Молия вазирлиги ва Ўзбекистон Республикаси Давлат мулкни бошқариш давлат кўмитасининг 2011 йил 11 августдаги 51, 01/12-18/05-сон “Давлат улушларини ишончли бошқариш ва акциядорлик жамиятларини бошқаришда иштирок этиш махсус ҳуқуқи (“олтин акция”) бўйича давлат вакилларининг хизмат ҳақи тўловларини амалга ошириш тартиби тўғрисидаги низомни тасдиқлаш ҳақида”ги қарорига (рўйхат рақами 2263, 2011 йил 9 сентябрь) (Ўзбекистон Республикаси қонун ҳужжатлари тўплами, 2011 й., 37-сон, 384-модда) иловага мувофиқ ўзгартиришлар ва қўшимча киритилсин.

2. Мазкур қарор расмий эълон қилинган кундан эътиборан кучга кирилади.

Молия вазири



Д. Кучкаров

Тошкент ш.,  
2018 йил "9" январь,  
3 -сон

Хусусийлаштирилган корхоналарга  
кўмаклашиш ва рақобатни ривожлантириш  
давлат қўмитаси раиси



Р. Гулямов

Тошкент ш.,  
2018 йил "9" январь  
01/29-10/02 -сон

Ўзбекистон Республикаси  
Молия вазирлиги ва Ўзбекистон  
Республикаси Хусусийлаштирилган  
корхоналарга кўмаклашиш ва рақобатни  
ривожлантириш давлат қўмитасининг  
2018 йил 9 январдаги  
3 ва 01/29-10/02-сон қарорига  
ИЛОВА

**“Давлат улушларини ишончли бошқариш ва акциядорлик жамиятларини  
бошқаришда иштирок этиш махсус ҳуқуқи (“олтин акция”) бўйича  
давлат вакилларининг хизмат ҳақи тўловларини амалга ошириш  
тартиби тўғрисидаги низомни тасдиқлаш ҳақида”ги қарорга  
киритилаётган ўзгартиришлар ва қўшимча**

1. Муқаддимадан “, 2012 йил 13 ноябрдаги ПФ–4483-сон “Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитасини ташкил этиш тўғрисида”ги” деган сўзлар чиқариб ташлансин.

2. Низомда:

а) муқаддимадан “, 2012 йил 13 ноябрдаги ПФ–4483-сон “Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитасини ташкил этиш тўғрисида”ги” деган сўзлар чиқариб ташлансин;

б) 1-банд куйидаги тахрирда баён этилсин:

“1. Мазкур Низом давлат улуши ишончли бошқарувга берилган (Ўзбекистон Республикаси Президенти ва Ўзбекистон Республикаси Вазирлар Маҳкамасининг қарорларига мувофиқ инвестиция активларини ишончли бошқарувчиларига, давлат ва хўжалик бошқаруви органларига берилган ҳоллар бундан мустасно) акциядорлик жамиятлари, масъулияти чекланган ва қўшимча масъулиятли жамиятларга (кейинги ўринларда хўжалик жамиятлари деб юритилади) ҳамда давлатнинг иштирок этиш махсус ҳуқуқи (“олтин акция”) киритилган акциядорлик жамиятларига татбиқ этилади.”;

в) 2-банднинг иккинчи хатбошисидаги “Акциядорлик бирлашмалари ва компанияларидаги акциялар давлат улушидан самарали фойдаланилиши устидан мониторинг олиб бориш комиссияси” деган сўзлар “Акциядорлик жамиятлари фаолиятининг самарадорлигини ошириш ва корпоратив бошқарув тизимини такомиллаштириш комиссияси” деган сўзлар билан алмаштирилсин;

г) 3-банднинг иккинчи хатбошисидаги “Давлат мулкни хусусийлаштиришдан тушган маблағлар жамғармаси” деган сўзлар “Хусусийлаштирилган корхоналарга кўмаклашиш жамғармаси” деган сўзлар билан алмаштирилсин;

д) 4-банддаги “Хусусийлаштириш, монополиядан чиқариш” деган сўзлар “Хусусийлаштирилган корхоналарга кўмаклашиш” деган сўзлар билан алмаштирилсин;

е) 7-банднинг биринчи хатбошисида “Хусусийлаштириш, монополиядан чиқариш” деган сўзлар “Хусусийлаштирилган корхоналарга кўмаклашиш” деган сўзлар билан алмаштирилсин;



ж) 9-бандда:

биринчи хатбошидаги “Марказ” деган сўз “Давлат рақобат қўмитаси” деган сўзлар билан алмаштирилсин;

қуйидаги мазмундаги иккинчи хатбоши билан тўлдирилсин:

“Давлат рақобат қўмитаси келиб тушган маблағларни Марказнинг Ўзбекистон Республикаси Марказий банки Бош бошқармасининг Тошкент шаҳридаги Ҳисоб-касса марказидаги субсчётига ўтказди.”;

иккинчи – ўн биринчи хатбошилар тегишлича учинчи – ўн иккинчи хатбошилар ҳисоблансин;

тўртинчи хатбоши қуйидаги таҳрирда баён этилсин:

“Молия вазирлиги томонидан Давлат рақобат қўмитасига давлат улушлари бўйича бюджетга тўланган дивидендларнинг қисми ҳисобидан ўтказилган ва Давлат рақобат қўмитаси томонидан Марказга йўналтирилган маблағлар ҳисобидан Марказ субсчётига тегишли маблағлар келиб тушган пайдан эътиборан 10 банк иш куни ичида;”;

бешинчи ва ўн иккинчи хатбошилардаги “Давлат мулкани хусусийлаштиришдан тушган маблағлар жамғармаси” деган сўзлар “Хусусийлаштирилган корхоналарга кўмаклашиш жамғармаси” деган сўзлар билан алмаштирилсин;

з) 11-банднинг биринчи хатбошисидаги “Давлат мулкани хусусийлаштиришдан тушган маблағлар жамғармасига” деган сўзлар “Хусусийлаштирилган корхоналарга кўмаклашиш жамғармасига” деган сўзлар билан алмаштирилсин;

и) 21-банднинг биринчи хатбошисидаги “Давлат мулкани хусусийлаштиришдан тушган маблағлар жамғармаси” деган сўзлар “Хусусийлаштирилган корхоналарга кўмаклашиш жамғармаси” деган сўзлар билан алмаштирилсин;

к) 1 ва 2-иловалар мазкур ўзгартиришлар ва қўшимчанинг 1 ва 2-иловаларига мувофиқ таҳрирда баён этилсин.



“Давлат улушларини ишончли бошқариш  
ва акциядорлик жамиятларини бошқаришда иштирок  
этиш махсус ҳуқуқи (“олтин акция”) бўйича давлат  
вакилларининг хизмат ҳақи тўловларини амалга  
ошириш тартиби тўғрисидаги низомни  
тасдиқлаш ҳақида”ги қарорга киритилаётган  
ўзгартиришлар ва қўшимчага  
1-илова

“Давлат улушларини ишончли бошқариш  
ва акциядорлик жамиятларини бошқаришда иштирок  
этиш махсус ҳуқуқи (“олтин акция”) бўйича давлат  
вакилларининг хизмат ҳақи тўловларини амалга  
ошириш тартиби тўғрисидаги низомга  
1-илова

**Стратегик аҳамиятга эга бўлган хўжалик жамиятларининг  
устав фондларидаги давлат улушларини ишончли бошқариш фаолияти  
хизмат ҳақи тўловини белгиловчи  
КОЭФФИЦИЕНТЛАР**

<b>Т/р</b>	<b>Ишончли бошқарувга берилган давлат улушининг номинал қийматдаги миқдори (млн. сўм)</b>	<b>Коэффициент</b>
1.	500 гача	5,0
2.	700 гача	5,5
3.	900 гача	6,5
4.	1100 гача	7,5
5.	1300 гача	8,5
6.	1500 гача	9,5
7.	1700 гача	10,5
8.	1900 гача	11,5
9.	2100 гача	12,5
10.	2300 гача	13,5
11.	2500 гача	14,0
12.	2700 гача	14,5
13.	2900 гача	15,0
14.	3100 гача	15,5
15.	3300 гача	16,0
16.	3500 гача	16,5
17.	3700 гача	17,0
18.	3900 гача	17,5
19.	4100 гача	18,0
20.	4100 дан кўп	18,5

“Давлат улушларини ишончли бошқариш  
ва акциядорлик жамиятларини бошқаришда иштирок  
этиш махсус ҳуқуқи (“олтин акция”) бўйича давлат  
вакилларининг хизмат ҳақи тўловларини амалга  
ошириш тартиби тўғрисидаги низомни  
тасдиқлаш ҳақида”ги қарорга киритилаётган  
ўзгартиришлар ва кўшимчага  
2-илова

“Давлат улушларини ишончли бошқариш  
ва акциядорлик жамиятларини бошқаришда иштирок  
этиш махсус ҳуқуқи (“олтин акция”) бўйича давлат  
вакилларининг хизмат ҳақи тўловларини амалга  
ошириш тартиби тўғрисидаги низомга  
2-илова

**Стратегик аҳамиятга эга бўлмаган хўжалик жамиятларининг  
устав фондларидаги давлат улушларини ишончли бошқариш фаолияти  
хизмат ҳақи тўловини белгиловчи  
КОЭФФИЦИЕНТЛАР**

<b>Т/р</b>	<b>Ишончли бошқарувга берилган давлат улушининг номинал қийматдаги миқдори (млн. сўм)</b>	<b>Кoeffициент</b>
1.	500 гача	4,5
2.	700 гача	5,0
3.	900 гача	5,5
4.	1100 гача	6,0
5.	1300 гача	6,5
6.	1500 гача	7,0
7.	1700 гача	7,5
8.	1900 гача	8,0
9.	2100 гача	8,5
10.	2300 гача	9,0
11.	2500 гача	9,5
12.	2700 гача	10,0
13.	2900 гача	10,5
14.	3100 гача	11,0
15.	3300 гача	11,5
16.	3500 гача	12,0
17.	3700 гача	12,5
18.	3900 гача	13,0
19.	4100 гача	13,5
20.	4100 дан кўп	14,0



”